



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Flavia Domitilla V. & M. 7. Maii.

urn:nbn:de:hbz:466:1-44055

Nostram memoriam repositorum Deipar & faciamus.
Hoc verò quomodo erit? Ea fuit Virgo, & amatrix Vi-
ginum; Si ergo cum corpore mentem quoque castam ha-
buerimus, inhabitantem ejus gratiam possidebimus.
S. Jo. Damasc. serm. de Ass. B. M. V.

S. FLAVIA DOMITILLA V. & M.

7. Maii.

Adornabat in centesimum CHRISTI annum
FLAVIA Aurelio despensa nuptias, & ad nu-
ptias sese imprimis: cum Nereus & Achilleus, qui
a cubiculis illi erant, sollicitam moverunt, ut eam
in comendo curam cælo impenderet, ita fore, uni-
sponsum CHRISTVM nanciseretur. Audiit illa
tam salubria monentes, repudiatoque mortali
sponso, immortali nubentem Clemens Pont. Max.
ex more Christiano, flammeo involvit. Consilium
hoc optimum etiam ipsis auctoribus fuit. Nam
duo egregii illi Paronymphi mox Martyres coro-
nam primi nuptiale abstulerunt; at FLAVIA in
exilium missa, dura atque aspera multa perpessa
est. Post cum Theodoram atque Euphrosynam,
qua ad Aurelii amores iterum illam abstrahere ni-
tebantur, in suam etiam sententiam pertraxisset, &
ipse Aurelius dum choreas ductaret, subito fato
corruens, mortuales fecisset, quas nuptiales puta-
verat; irâ ardens hujus germanus Luxurius, adi-
bus in quibus DOMITILLA cum geminis, quas
memoravimus, virginibus agebat, ignem subjecit.
Sed nempè tam sanctis nuptiis ille sic tædas præ-
luxit; sponsarum verò postridie corpora, ut à Cu-
pidinis, sic à tyranni etiam ignibus integra fue-
runt, & à eam sanctis flamarum spoliis hodie
Eluacum Germaniæ civitas splendet. Ex Surio.

Despicien-

Despiciendus à nobis hic mundus fuerat, etiam si
rebus prosperis demulceret animum. At postquam tot
flagellis premitur, tot nobis quotidie dolores ingeminat,
quid nobis aliud, quam ne diligatur, clamatur? S. Greg.

1.3. Dial.

S. AMATUS CONF. 8. Maii.

AMATO Saludecium patria fuit. Parentibus
in tenerâ ætate amissis, multa tulit, fecitque
puer & adolescens, etiam viris imitanda. Amor
castitatis prima illi bella excitavit, feminâ classi-
cum cantante, proprio sexûs sui genio. Ea fratri
AMATI nupta, filiam, quam priore conjugio tule-
rat, cum AMATO sponsam obtruderet, repulsam
ultimis odiis ultra est, quibus etiam fratres collisi-
sunt, exiguo tamen AMATI incommodo, depu-
tantis in lucro, si virtutis causâ nomē suum amit-
teret, fieretque exosus: Numinis tamen benevo-
lentiam omnibus officiis captavit, in pauperes
tam prodigus, nihil ut sibi relinquere, sed locatâ
promiscue operâ, famem sustentaret: in emaciato
nihilominus corpore flagro ferreo non modò me-
moriā sed imaginem Christi patientis renova-
bat; hoc quoque illius assecutus, ut pro malesano
habitus publica civium suorum fabula fieret. Sed
despectum orbi cælum ad se rapuit, tam familiari-
ter quidem, ut inter castas preces evolantem ad
Superos animum etiam corpus sequeretur. Cre-
scentem eo miraculo AMATI famam frater fœdo
crimine fugillavit, stupri commercium ei cum
Clara sorore Deo sacratâ affingere ausus. Sed
ambulantem in jus sol absolvit abollam ejus in-
tercipiens, suisque radiis sustentans. Iisdem illu-
strata AMATI est sanctitas; sed ille proditorem
suum